

SEREKOBI
Eric Jacobino
Sorandy Sint Jacobs



Danki Shon

Sorayda "Sol" Sint Jacobs

Promé ku solo sali kunuku a yama mi

Koro: Trempan tin bendishon lanta riba bin tra, bin tra, bin tra
Pasobra mama tera ke sinti mi man i hole mi sodó.

Koro: Trempan tin bendishon lanta riba bin kosechá
Rekompensa di e simia ku nos a sembra ta warda nos

Koro: Trempan tin bendishon lanta riba bin selebrá
Ta Shon grandi por ke p'esei ban duna danki na djE.

Skuch'e gritu di tur mainta di e pober gai ku n' por kabishá (Kokoyó)
Rei ku e mes ta **morto kansá** pero trempan e ta saludá
Pariba solo ta habri wowo pa yena tera ku su splendor
Anto ya kunuku ta kla pa habri porta pa trahadó

Ku mi brasanan tin forsa' we
Ku mi ta biba pa mira manisé
Ku tempu di sekura ta pasa un be
Ku awa a yobe pa regalá kosecha

Koro: Ta Shon grandi por ke

Tur: Tapushi brasa será nan a yam'é maishi chikí
Tapushi brasa habri ta karg'e nòmber Danki Shon 2x

Maske kuantu solo por kima, awa por lag'e kai

Koro: E kosecha di danki Shon ta trese goso den kurason

Kon duru ku e trabou por ta i lomba por bira maluku

Koro: E kosecha di danki Shon ta trese goso den kurason



Tur: Tapushi brasa será nan a yam'é maishi chikí
Tapushi brasa habri ta karg'e nòmber Danki Shon

Habri bo brasanan manera e tapushi habrí
Tapushi brasa habrí ta karg'e nòmber Danki Shon

Si awa yobe **koro:** Danki Shon
Solo a kima
Kunuku a duna
kunukero a piki

Nos a kome
Chupa dede lembe boka
Barika ta yen
Kurason kontentu

Simia a bai tera **Koro:** Sembr'é / danki
Plant'e bon simia
Koto di maishi
Bèrdura ku fruta

Mi ta dobla mi rudia
Mi ta move mi kustia
Karga mi poron riba skouder
Anto mi makutu riba kabes
Rudia kustia skouder kabes

Splikashon di e kansion:

Tin dos tipo di tapushi di maishi chikí; unu ku tin tur su blachinan kompletamente será kual ta e tradishonal maishi chikí i e otro ku tin algun blachi ku ta keda habrí paresido na e ekspreshon di gratitut na shelu; Esaki te e motibu ku el a wòrdu yamá, Danki Shon.

Naturalesa ta konsientisá hende pa biba ku gratitut pa e tantísimo fabornan ku henter dia Dios ta sòru pe. Ta E por ke ku nos tin tur loke nos tin i por tur loke nos por... Seú ta un selebrashon di gratitut pa e kosecha ku Dios Tata, Shon grandi a bendishoná mama tera kuné..i nos ta esnan ku ta yama danki na Shon pa por benefisiá di dje.